

Z'Buech vom Lääbä

Äs chliises Härz fahd afä schlah,
nüüs Lääbä erwacht, ä Gschicht fahd jetzt aa.
Wer wird da dra schribä? We lang wird sie gah?
Was wird ächt alles drinnä stah?

Refrain: **Z'Buech vo dim Lääbä, öppis wichtigs sölls ha,
am Herrgott sii Sägä, söll zwüschet dä Ziilä stah.
Är isch dr Afang, är isch z'Änd,
är wird das Buech trägä, behuetsam, i siinä Händ.**

D'Schrift vom Lääbä, mängisch fescht, mängisch fiin,
sie verzellt vo Rägä, verzellt vo Sunnäschiin.
Da und det wird's öppä eisch ä Tolggä ha,
doch das ghört derzuä, drumm lachs la stah.

Refrain:

Schrib di Gschicht so guet wes für dich gahd,
wänn ä Ziilä chrumm isch, diä nöchschd wird wieder grad.
Dis Härz, das gid dr Takt zum schribä aa,
äs wird sägä, we vill Ziilä am Änd dönd drinnä stah.

Refrain: